



Sakspapir

Sakshandsamar	Arkiv	ArkivsakID
Jan Torry Sande	FE-223	20/555

Saksnr	Utval	Type	Dato
089/20	Kommunestyret	PS	10.12.2020

Spleiselag for sekretærfunksjonen i Nordhordland vassområde

Vedlegg:

invitasjon til kommunane til spleiselag for vassområda 9.2020
kostnadsfordeling kommunar til vassområda 9.2020
oppgåver til vassområdekkord. sept.2020

Saksutgreiing:

Bakgrunn

Kommunane har ei viktig rolle i arbeidet med vassforvaltinga i Noreg. Vassforskrifta frå 2007 legg føringar for dette arbeidet og definerer kommunen sine rettar og plikter. For å samordne dette arbeidet er landet delt inn i vassregionar og vassområde. Kvar kommune er representert i eit vassregionutval og er medlem i eit vassområdeutval. Vassområdekoordinator er sekretæren i dette utvalet og skal samordna arbeidet, og hjelpe kommunen med å få utført sin del av arbeidet med å utarbeidd ein vassforvaltningsplan.

Finansieringa av arbeidet i vassområdeutvalet skal skje med bruk av kommunale, fylkeskommunale og statlege midlar. Vassområdekoordinatorar i Hordaland har no ca. 25 % stilling finansiert av fylkeskommunen.

Viktige oppgåver for vassområdekoordinator er å vere pådrivar og rådgjevar for kommunane. Vestland fylkeskommune har no eit ynskje om at kommunane i Vestland kan vera med å finansiera arbeidet med dette arbeidet.

Sogn og Fjordane har hatt spleiselag med kommunane, og finansiert 50 % stillingar for kvart vassområde frå 2012. I Hordaland har derimot ikkje kommunane betalt noko. Fylkeskommunen har finansiert 25% stillingar utan bidrag frå kommunane. Frå 2021 vert det lagt opp til spleiselag også for kommunar i tidlegare Hordaland med, med 50 % sum i 2021. Målet er å auke arbeidsinnsatsen i kvart vassområde frå 25 % til 50 %. Frå 2022 vert det lagt opp til lik betalingsordning for alle kommunar i Vestland. På møte i dei ulike vassområdeutvala i «Hordaland» i april 2020 vart denne saka teke opp.

Vurdering

Det arbeidet som vert gjort av vassområdekoordinatoren er til uvurderleg hjelp, særleg for ein liten kommune med få tilsette. Dette er eit interkommunalt tiltak, som er til hjelp med å løyse oppgåver kommunen elles måtte ha løyst sjølv.

Det kan diskuterast kor rettviss den skisserte modellen for betaling er, og det er ikkje full semje i miljøet om korleis modellen bør vere.



Fedje kommune

Modellen som er sissert er følgjande :

Drifta av vassområdet er tenkt som eit spleiselag der kommunane finansierer 50 % av kostnadane og fylkeskommunen 50 %. Grunnlaget for betaling for kommunane er tenkt slik:

Lik fordeling (grunnsats): 30 %

Fordelt på folketal: 35 %

Jordbruksareal i drift: 35 %

Dette vil bety ein årleg sum på kr. 24 778 for perioden 2022-2027 for Fedje.

Folkehelse: Forvaltning av Vassforskrifta har mykje å seie for folkehelsa på fleire plan.

Miljø: Forvaltning av Vassforskrifta er sentral for miljøet.

Økonomi: Dette spleiselaget vil innebære utgifter for Fedje kommune. Dette vert ikkje ein stor sum, men det bør utgreiast og drøftast ytterlegare.

Konklusjon

Fedje kommune ønskjer å vere med på spleiselaget slik det vert skissert i saksutgreiinga, men om det vert gjort endringar i driftsmodell må forslag til ny modell opp til politisk handsaming.

Forslag til vedtak:

Fedje kommune løyver kr. 12389 til drift av sekretærfunksjonen til Nordhordland vassområde for 2021. Vidare ønskjer Fedje kommune å vere med i skissert modell for perioden 2022-2027. Om det vert gjort endringar i driftsmodell må forslag til ny modell opp til politisk handsaming.

Kommunestyret - 089/20

K - behandling:

K - vedtak:

Fedje kommune løyver kr. 12389 til drift av sekretærfunksjonen til Nordhordland vassområde for 2021. Vidare ønskjer Fedje kommune å vere med i skissert modell for perioden 2022-2027. Om det vert gjort endringar i driftsmodell må forslag til ny modell opp til politisk handsaming.

Samrøystes vedteke